

中雅堂吟稿



郑维中 著

中雅堂吟稿

王得一署



湖北省群众艺术馆编
一九九一年十一月十日

《中雅堂吟稿》题词

朱鴻考

读完《吟稿》乐融融，倍觉郑君胆略雄。怀瑾求师千里外，抱瑜索句万书中。词情恰似蕲河水，才气宛如三角峰。淡泊为怀神彩备，素心报国一诗翁。

陈明

郑君维中，好学敏求，洁志廉行之诗人也。吾蕲瀕湖诗社创始人之一。从政之余，治学论交言诗励志之书斋曰『中雅堂』，仰慕杜公草堂之遗风。

余与相识，交已忘年，深知其情怀磊落，风度光明，素重交谊，与人为善。品其吟咏，无不系乎是非功过，荣辱兴衰之时代感。而与弄月吟风者比远矣。

综观其言行志趣，诗无不雅；今《中雅堂吟稿》问世，乃有因焉。
谨识数语归之。（作者：时年八十有二）

浙江 朱 璋

郑谷年来位望隆，六旬述作气豪雄。一腔热血陈同甫，四海贤名陆放翁。世事推移任变幻，人情得失等鸡虫。寒梅岂畏冰霜雪，开向庭前斗冷风。

河南 林从龙

玉浪苍松心共洁，绿杨红杏韵多娇。雅堂一卷闲披览，滚滚诗情上碧霄。

安徽 马依群

珠玑满幅耀晨曦，万丈光华渥露滋。最是春光来大地，传薪飞韵读

新诗。

安徽 黄素毅

中雅堂中抱膝吟，濒湖湖水涤尘襟。处膏不涸农沾泽，抱朴存真士共钦。砥砺廉隅凭大力，激扬文字有同心。诗成海内酬知己，咳唾能传盛世音。

湖南 董源远

辛未壬申紧接连注，《书怀》于我亦情牵。满腔热血萦忧乐，无限豪情注什篇。诚以待人春不老，严于律己月常圆。集成更爱桑榆美，『自信人生二百年』。

注：君生辛未，我生壬申，相隔一岁。

四川 黄述远

赤忱爱国语犹新，汇集诗篇祝寿辰。满目珠玑留后世，风骚独领庆

长春。

湘南 孟庆华(女)

一卷新诗写性灵，百年忧乐记长征。风流逸士休云老，雅韵徐娘也
志诚。对镜罢妆遥介寿，登堂作乐祝文明。云天千里婵娟共，未面难忘
友友情。

孝感 冯建军

投身革命不知年，坎坷征程矢志坚。涉水跋山清腐恶，栉风沐雨谱
华笺。文章六十犹苍劲，甲子重回慕宿贤。五载缔交心共洁，悠悠魂梦
总情牵。

武汉 冯远安(女)

壮骨强筋担道义，红心妙手著文章。深文父执联新雨注，远景云霞

绘夕阳。酒捧嫦娥天上月，堂开中雅菊凝霜。初周花甲成诗卷，誉满骚坛姓氏香。

注：吾父冯建军与郑公友谊甚笃。

福建 蔡春草

远山含日映红霞，万里怀人逸兴赊。中雅堂间宾满座，水晶帘外菊开花。临流照影园林胜，度岭传书雁字斜。翠竹苍松同劲节，拖烟带露更风华。

江苏 颜仁禧

幼学壮行诚见长，老来更为赋诗忙。当年夜读滕王序，此日咏怀中雅堂。破浪乘风四十载，扬清激浊万千行。神交纵晚三生幸，有约难违献一章。

云南 马 冰

相逢情切切，六秩祝人生。忠党无私欲，爱民壮请缨。专刊诗唱和，求友鸟嚶鸣。喜作人公仆，悠悠薄幸名。

湖南 李仕武

常怀李杜清新韵，好句铿锵万口传。多少骚人心向往，愿扬诗教共挥鞭。

台湾 叶桐封

敏捷诗才手八叉，遙頒佳什问生涯。惭余蹲蹬蓬壺地，羨汝安閑谷口家。金穴頗聞翔白鶴，故林爭免憶羈鴉。濫竿旅邸因糊口，那有屏風拥绛纱。

鄂州 田世儒

风抟羊角逐飞霞，甲子重开新岁华。
卅载输诚情未已，六旬祝嘏寿无涯。
才新好逞桑榆美，身健何辞征路赊。
励志守常心耿耿，一腔正气压群邪。

贺联一幅

维系清音，阳春三叠；
中怀正气，花甲重轮。

枝城 叶祥瑞

忝列同乡不识荆，惠诗千里感情深。
才多絮咏章章玉，价重鸡林字字金。
学浅我惭为下里，曲高君配作阳春。
雅吟闻即刊梨枣，欣喜吾薪

代有人。

黄石 吴晶

中雅堂前韵事新，风光明媚奏和音。莺歌燕舞催人醉，秋菊冬梅扑鼻馨。耳顺年临心更壮，德高望重品堪钦。诗词一卷传今古，遥寄芜词表贺忱。

吴晶

六极星辉六十春，征途跋涉显丹心。无私无畏崇廉政，宜事宜人敢直吟。身正不须愁影倒，笔灵常爱写浮沉。濒湖诗社君真健，种树栽花育碧阴。

黄石 陈仲锋

桑榆喜映满天霞，甲子逢周岁月赊。中雅堂前开寿宴，濒湖堤畔放奇花。兰香桂馥人难老，婺焕庚明影不斜。最爱郑公词笔健，新诗一卷献中华。

英山 萧浪平

句愧狂如阮步兵，山涛奔涌已闻声。铁函书带终行世，遥祝神交博怪名。

英山 冯伯乾

英蕲山水总相连，大札传来祝嘏篇。正气一身消俗虑，清风两袖得延年。襟开坦荡虚如谷，酒助豪吟醉若仙。料是板桥今再世，一竿清瘦注毫端。

英山 查方孝

紫气氤氲绚彩霞，凝成雅集兴方赊。珠玑满卷珍中玉，忧乐盈篇锦上花。清雅海天涂墨艳，恢宏松柏托山斜。笔底沧桑高节在，婵娟与共壮中华。

蕲春 管楚珊 九旬老叟

百尺楼台曙色开，闹中取静几徘徊。门前自照清泉近，桥外谁歌白雪来。消遣爱栽陶令菊，寻芳只问靖公梅。天伦畅叙邀康乐，池草菁菁绿上阶。

蕲春 郑自西 七三老叟

二十年前此结邻，层楼重建一番新。华堂酒暖延词客，海屋筹添祝

故人。白水绕门心比洁，绿杨当户鸟相亲。小园桔柚离离日，秋实毋忘浩荡春。

蕲春 蔡知为七五老叟

乐享天伦君占先，门盈兰桂喜争妍。子真谷口传佳话，中雅堂前做寿筵。大著鸿章镌梨枣，高山流水结诗缘。我惭猷赋才华短，附骥叨光只自怜。

蕲春 冯唤民

琳琅雅集纪沧桑，咳唾成珠细考量。巧手奏成歌浩亮，丹心凝就玉铿锵。有缘厚谊铭犹在，无限深情念未忘。一卷清吟传后代，拳拳赤子表衷肠。

蕪春 张 实

中兴韵事颂神州，雅调翻新唱不休。堂奥深窥诗眼疾，吟旗高举楚风遒。稿成卷帙烦梨枣，辉映云天射斗牛。麟出丛山称独角，凤楼五彩庆添修。

注：蕪州古有书院名「麟冈」、「凤麓」。

最高楼调

蕪春 周文雄

肝胆赤，总角见峥嵘。耿介早知名。秋空朗月销忧虑，冬原皑雪铸衷诚。夏荷香，春日丽，石泉澄。潘鬓白，辛勤培后进；集佳作，刊行新篆本。扬国学，志成城。儿时偶识曾相识，十年笔墨定交情。共切磋，同砥砺，启航程。

蕪春 汪 浩

东西南北郑维中，诗苑新开写史风。不信请看中雅稿，华年吟到白

头翁。

好诗捧读兴偏长，晚节黄花散异香。满纸云霞似珠玉，一窗风月尽文章。讴歌正气新时代，卜筑高楼中雅堂。美景江山收拾尽，庆刊梨枣永留芳。

蕪春 李吟仙

客舍初临已阅春，榴花红映客人心。好风吹得高轩过，新雨添来契谊深。狂似青莲为战友，才如白傅发豪吟。从今共惜桑榆景，不负陶公一例阴。

蕪春 钱雁宾

骋怀乍访郑公庐，画栋飞云眼界舒。倚槛烟花月共咏，临池楷篆草

兼书。瀕湖社结人皆仰，中雅堂名信不虚。此处憩闲堪自乐，不须寻水去观鱼。

蕪春 田 枏

雅堂锦句碧纱笼，字字珠玑玉串中。四面云山收画卷，一楼风月入诗筒。春秋常伴花间鸟，湖海犹逢雪里鸿。欲学徐陵相赠语，文光浩气贯长虹。

蕪春 田均安

邮筒消息报斋前，吟稿方成四海传。典雅词章梨枣艳，铿锵格律笔花妍。讴歌盛世同酬唱，建设骚坛共结缘。君似红梅傲冰雪，一枝开放占春先。

蕪春 陈 秀

教授出蕪阳，千秋医圣乡。群山绵大别，一水锁长江。诗结瀕湖

社，韵吟中雅堂。钟灵毓秀地，代代谱华章。

蕪春 何融

华堂浩气贯长空，雅兴湍飞慕郑公。饭后茶余敲韵律，花晨月夕采民风。毫挥丽句歌廉政，墨泼宏图绘大同。吟稿刊成传后代，芳名远播楚江东。

蕪春 钟林荪

久仰诗翁一诺金。满头华发仍童心。羨君堂雅人风雅，愧我行吟自苦吟。肝胆卅年伸正义，阳春三叠响清音。焚香拭目灯前读，浩荡情怀比海深。

蕪春 童树田

中雅堂中一雅人，雅人爱把雅诗吟。斥邪贬浊言如剑，颂正褒廉语